

133

30. sept.

## AUGLÝSING

um breyting á Lyfsöluskrá I frá 15. september 1959.

Frá 1. október 1961 breytist verð á lyfjum samkvæmt Lyfsöluskrá I frá 15. september 1959 þannig, að álag það, sem ákveðið var 32% frá og með 28. nóvember 1960, verði 50%, og afgreiðslugjald, sem ákveðið var kr. 2.00 á hverja afgreiðslu lyfja í lausasölu skv. lyfsöluskrá I, verði kr. 2.25. Enn fremur að 25% álag það, sem ákveðið var 1. maí 1960 á verð á umbúðum og öðrum en ampúllum og hettuglösum, sem sérstaklega eru reiknaðar með í einingarverði injectabilia í lyfsöluskrá I breytist í 40%.

*Í dóms- og kirkjumálaráðuneytinu, 30. september 1961.*

Jóhann Hafstein.

Baldur Möller.

134

30. sept.

## AUGLÝSING

um breyting nr. 2 á Lyfsöluskrá II frá 1. febrúar 1961.

Frá 15. október 1961 hækkar verð lyfja samkvæmt lyfsöluskrá II frá 1. febrúar 1961 um 12%.

*Í dóms- og kirkjumálaráðuneytinu, 30. september 1961.*

Jóhann Hafstein.

Baldur Möller.

135

2. okt.

## GJALDSKRÁ

fyrir Rafveitu Hafnarfjarðar.

## I. RAFORKA

Rafveita Hafnarfjarðar selur raforku á þann hátt og við því verði, sem hér segir:

## A. Lýsing.

1. Um kwst.mæli á 360 aura hverja kwst.
2. Um kwst.mæli á 100 aura hverja kwst. auk fastagjalds, er nemi 550 kr. á ári fyrir allt að 25 m<sup>2</sup> gólflatarmáls í rúmi því, er lýsa skal, og 17 kr. fyrir hvern m<sup>2</sup> umfram 25 m<sup>2</sup>. Fullt fermetragjald skal greiða af gólffleti í búðum, vinnustofum og skrifstofum en fyrir geymslur og ganga skal deila í fermetragjaldið með 3.5.

Séu notaðir flúrskinslampar, natriumlampar eða kvikasílfurslampar með ófasviksjöfnuðum straumrásum, er heimilt að miða orkugjaldið skv. 1. og 2. tölulið við kilovoltamperstundir í stað kilowattstunda.

**B. Almenn heimilisnotkun.**

135

Um einn kwst.mæli á 79 aura hverja kwst. og auk þess fastagjald kr. 65 á ári fyrir hvert herbergi, sem ætlað er til íbúðar og eldhús, en ekki ganga, baðherbergi eða geymslur. 2. okt.

**C. Vélanotkun.**

1. Um kwst.mæli, þannig reiknað, miðað við eitt ár:
  - Fyrstu 5 000 kwst. 210 aura hver kwst.
  - Næstu 10 000 kwst. 140 aura hver kwst.
  - Umfram 15 000 kwst. 100 aura hver kwst.
2. Um mæla þannig reiknað, enda sé aflnotkun minnst 20 kw:
  - 650 kr. árskwst. fyrir fyrstu 50 kw.
  - 540 — árskwst. fyrir næstu 50 kw.
  - 430 — árskwst. fyrir umfram 100 kw.

Minnsta aflgjald er kr. 13.000 á ári.

Auk þess greiðist kwst.gjald, þannig reiknað, miðað við eitt ár:

- Fyrstu 200 000 kwst. á 30 aura hver kwst.
- Umfram 200 000 kwst. á 22 aura hver kwst.

Verði raunstuðullinn lægri en 0,8, er heimilt að miða aflgjaldið við 80% af mestu kVA-notkun í stað mestu kw-notkunar.

**D. Hitun.**

1. Um kwst.mæli á 70 aura hverja kwst.
2. Um kwst.mæli á 30 aura hverja kwst., enda megi rjúfa strauminn í allt að 3 klst. á dag á tímum mesta álags rafveitunnar.
3. Um kwst.mæli á 15 aura hverja kwst., enda megi rjúfa strauminn frá kl. 9 til kl. 21. Þegar um er að ræða hitun á húsrými, sem er yfir 2000 m<sup>3</sup> að stærð eða aðra hliðstæða notkun á afli, er heimilt að láta í té straum á tímabilinu frá kl. 12.30 til kl. 15.30.

*Skilyrði fyrir raforkusölu til hitunar.*

- a. Að vélaafl, götulínur og spennar þoli álagið að dómi rafveitustjóra.
- b. Að notandi kosti segulrofa fyrir hitalögnina.
- c. Að hitalagnir, þar með talin öll tæki séu gerð skv. fyrirmælum rafveitunnar og rafmagnseftirlits ríkisins, ofnar fasttengdir með sérstökum rofum og hitastillar notaðir, þegar þess er krafizt.
- d. Að húsið fullnægi þeim lágmarkskröfum um einangrun, sem rafveitan kann að setja.
- e. Að lagðar séu fram niðurstöður útreikninga á hitaþörf þess húsrýmis, er hita skal, þegar þess er krafizt og skal þá tekið fram, við hvaða minnsta útihita hitaþörfin er miðuð.

**E. Stórnotkun.**

Um mæla þannig reiknað, enda sé aflnotkun minnst 200 kw.

- Aflgjald: Innkaupsverð frá Sogsvirkjun + 45%
- Orkugjald: Innkaupsverð frá Sogsvirkjun + 74%

**F. Önnur notkun.**

1. Rafveitustjóra er heimilt að veita afslátt frá framangreindum verðlagsákvæðum á liðum A til D á orku, sem notuð er á sumrin, ef um töluverða aukningu frá vetrarnotkun er að ræða, eða ef orkan er eingöngu notuð á sumrin.

- 135 2. Til nota við vinnulagnir við byggingar, meðan á byggingu stendur, þannig:  
 2. okt. a. Um kwst.mæli á 190 aura hverja kwst.  
 b. — mestastraumsrofa, þannig:
- |           |                 |
|-----------|-----------------|
| 1 A á kr. | 30.00 á mánuði. |
| 2 — — —   | 60.00 — —       |
| 3 — — —   | 90.00 — —       |
| 4 — — —   | 120.00 — —      |
| 5 — — —   | 150.00 — —      |
| 6 — — —   | 180.00 — —      |

Rafveitustjóri ákveður, hvort settur skuli upp kwst.mælir eða mestastraumsrofi.

3. Gjöld fyrir götu- og hafnarlýsingu ákveður bæjarstjórn eftir tillögu rafveitustjórnar.  
 4. Þegar sérstaklega stendur á, má rafveitustjóri selja raforku eftir sérstökum samningi, þó eigi lengur en til eins árs í senn, nema samþykki rafveitustjórnar komi til.

## II. HEIMTAUGARGJALD

Heimtaugargjald skal miða við flutningsgetu heimtauganna samkvæmt eftirfarandi töflu. Fari lengd jarðstrengsheimtaugar fram úr 15 m eða loftlínuheimtaugar fram úr 40 m, skal greitt yfirlengdargjald eins og taflan sýnir:

Málstraumur stofnvara	Jarðstrengur	Jarðstrengur		Loftlína	
		Lágmark kr.	Yfirlengd kr/m	Lágmark kr.	Yfirlengd kr/stólpa
60 A	1-fasa	3 700	240	2 800	3 200
100 —	—	4 900	290	3 600	4 000
60 —	3-fasa	4 900	290	3 600	4 000
100 —	—	6 600	330	4 800	5 000
200 —	—	13 200	500	9 600	6 000
350 —	—	23 100	750		

Fyrir heimtaugar með flutningsgetu 150 kVA og þar yfir, skal greitt heimtaugargjald, er nemi 177 kr. á hvert kVA.

Lengd jarðstrengsheimtaugar reiknast frá varkassa stytztu greiðfæra leið að lóðarmörkum. Þurfi að leggja jarðlínuheimtaug út frá loftlínu, skal lengd heimtaugarinnar reiknuð jöfn lengd þess jarðstrengs, sem notaður er.

Lengd loftlínuheimtaugar reiknast frá næsta stólpa í notendalínu við götu, stytztu greiðfæra leið að varkassa.

Heimtaugargjald skal greitt við umsókn

Sé nauðsynlegt að setja upp spennistöð vegna ákveðins notanda og hún að mestu leyti notuð í hans þágu, skal notandanum skylt að leggja til lóð undir stöðina, rafveitunni að kostnaðarlausu og skal hann í öllu hlíta skilmálum rafveitunnar um stærð lóðarinnar og staðsetningu stöðvarinnar.

Óski húseigandi eftir, að jarðstrengsheimtaug verði breytt úr 1-fasa í 3-fasa heimtaug eða að flutningsgeta jarðstrengsheimtaugar verði aukin, skal hann greiða fyrir breytinguna samkvæmt kostnaði.

Þurfi að breyta loftlínuheimtaug í jarðstrengsheimtaug, vegna breytingar á stofnlínu í götu, skal húseigandi greiða þann mismun, sem er á jarðstrengsheimtaug og loftlínuheimtaug samkvæmt gildandi gjaldskrá, þegar breyting fer fram. Rafveitan skal hins vegar kosta breytingu á stofntaug innanhúss, sem þessu verður samfara, en ekki málningu eða annan kostnað, sem af þessu kynni að stafa. Sé mikill kostn-

aður við breytinguna, getur stjórn rafveitunnar skyldað húseiganda til að taka þátt í kostnaði á breytingu stofntaugarinnar. 135

Gjaldskrá þessi gildir í skipulögðum hverfum innan lögsagnarumdæmis Hafnarfjarðar, Garðahrepps og Bessastaðahrepps. Sé um óskipulagt svæði að ræða eða aðstæður óvenjulegar, er heimilt að krefjast sérstaks aukagjalds af húseiganda, en gera skal honum þá aðvart um það fyrir fram. 2. okt.

### III. OPNUNARGJALD

1. Hafi gjald samkvæmt gjaldskrá þessari eigi verið greitt, svo að til lokunar hafi komið fyrir veituna, skal taka gjald fyrir enduropnun, 50 krónur.
2. Ef fundin eru við skoðun óleyfileg eða of stór vör, skal veitunni tafarlaust lokað, og verður hún eigi opnuð aftur, fyrr en notandi hefur geitt 50 króna gjald á skrifstofu rafveitunnar.

### IV. ÝMIS ÁKVÆÐI

Söluskattur samkvæmt lögum nr. 10/1960, um söluskatt, er talinn með í upphæð gjalda þeirra, sem um ræðir í gjaldskrá þessari.

Gjaldskrá þessi, sem bæjarstjórn Hafnarfjarðar hefur samið og samþykkt, og gerð er samkvæmt vatnalögum nr. 15 20. júní 1923, og raforkulögum nr. 12 2. apríl 1946, staðfestist hér með til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

Jafnframt er úr gildi numin gjaldskrá fyrir Rafveitu Hafnarfjarðar nr. 266 30. desember 1960.

*Atvinnumálaráðuneytið, 2. október 1961.*

F. h. r.

**Gunnlaugur E. Briem.**

*Þorv. K. Þorsteinsson.*

## REGLUGERÐ

um veiting lækningaleyfis og sérfræðileyfa.

136

3. okt.

### I. Lækningaleyfi.

#### 1. gr.

Til þess að kandídat í læknisfræði geti átt rétt á að öðlast ótakmarkað lækningaleyfi, skal hann að prófi loknu hafa lokið því framhaldsnámi, er hér greinir:

1. Verið námskandídat eða unnið samsvarandi kandídatsstörf á viðurkenndu, almennu sjúkrahúsi í 11 mánuði, 6 mánuði á lyflæknisdeild og 5 mánuði á handlæknisdeild, eða 11 mánuði á óskiptu sjúkrahúsi, sem hefur á að skipa sérfræðingi í lyflækningum og handlækningum. Kandídatar, sem ljúka almennu framhaldsnámi í Reykjavík, skulu þó vinna tveggja mánaða kandídatsvinnu á Slysavárstöfu Reykjavíkur, og styttist þá sjúkrahúsjónustan samsvarandi, að jöfnu á lyflæknis- og handlæknisdeild, þegar um slíka deildarskiptingu er að ræða.

2. Unnið kandídatsstörf í tvo mánuði á viðurkenndri fæðingarstofnun.